

慧日佛學班第 4 期（《大智度論》）

## 《大智度論》卷 23

〈初品中十想釋論第三十七〉

（大正 25，229a2～232c18）

釋厚觀（2008.4.26）

### 伍、十想

【經】十想：無常想、苦想、無我想、食不淨想、一切世間不可樂想、死想、不淨想、斷想、離欲想、盡想。

#### 【論】

（壹）念、想、智：初中後異（導師《大智度論筆記》〔D011〕p.254）

問曰：是一切行法，何以故或時名為智（jñāna）？或時名為念（anusmṛti）？或時名為想（saṃjñā）？

答曰：初習善法，為不失故，但名「念」；<sup>1</sup>能轉相、轉心故，名為「想」；決定知，無所疑故，名為「智」。

### （貳）釋十想

#### 一、無常想

##### （一）出體

觀一切有為法無常，智慧相應相，是名「無常想」。

（二）教意（導師《大智度論筆記》〔F003〕p.328）

1、新新生滅故，屬因緣故，不增積故（導師《大智度論筆記》〔C009〕p.199）

一切有為法無常者，新新生滅故，屬因緣故，不增積故。

2、來無所從，滅無所去（導師《大智度論筆記》〔C009〕p.199）

復次，生時無來處，滅亦無去處，是故名無常。

3、二種（眾生・世間）無常（導師《大智度論筆記》〔J032〕p.521）

復次，二種世間無常故說無常：一者、眾生無常，二者、世界無常。

如說：

「大地草木皆磨滅，須彌巨海亦崩竭，諸天住處皆燒盡，爾時世界何物常？十力世尊身光具，智慧明照亦無量，度脫一切諸眾生，名聞普遍滿十方，今日廓然<sup>2</sup>悉安在？何有智者不感傷<sup>3</sup>！」<sup>4</sup>

<sup>1</sup> 參見《俱舍論》卷 4：「念，謂於緣明記不忘。」（大正 29，19a20-21）

<sup>2</sup> 廓然：空曠貌。（《漢語大詞典（三）》p.1254）

<sup>3</sup> 〔何有智者不感傷〕—【宋】【元】【明】【宮】【石】。（大正 25，229d，n.7）

<sup>4</sup> 參見（Lamotte, p.1434, n.1）：在佛陀圓寂時由他弟子們發表各種不同哀悼之偈頌，參見《大智度論》卷 2（大正 25，67a-b，69b-c）。

如是舍利弗、目犍連、須菩提等諸聖人，轉輪聖王、諸國王，常樂天王及諸天，聖德尊貴皆亦盡，大火焰明忽然滅。

世間轉壞，如風中燈，如險岸樹，如漏器盛水，不久空竭。

如是一切眾生及眾生住處皆無常故，名為「無常」。

### 〔三〕菩薩何故修無常想

問曰：菩薩何以故行是無常想？

答曰：以眾生著常顛倒，受眾苦，不得免生死。行者（229b）得是無常想，教化眾生言：「諸法皆無常，汝莫著常顛倒，失行道時！」

諸佛上妙法，所謂四真諦，四諦中苦諦為初，苦四行中無常行為初。<sup>5</sup>

以是故，菩薩行無常想。

### 〔四〕二種無常想（導師《大智度論筆記》〔J032〕p.521）

#### 1、具足、不具足（導師《大智度論筆記》〔J032〕p.521）

##### 〔1〕不具足（禽獸亦知）（導師《大智度論筆記》〔J032〕p.521）

問曰：有人見無常事至，轉更堅著。如國王夫人寶女從地中生，為十頭羅刹將度大海<sup>6</sup>，王大憂愁！智臣諫言：「王智力具足，夫人還在不久，何以懷憂？」

答言：「我所以憂者，不慮我婦叵得，但恐壯時易過。」

亦如人好華好果，見時欲過，便大生著。

如是知無常，乃更生諸結使，云何言「無常能令心厭，破諸結使」？

答曰：如是見無常，是知無常少分，為不具足，與禽獸見無常無異。以是故，佛告舍利弗：「當具足修無常想。」

##### 〔2〕具足（導師《大智度論筆記》〔J032〕p.521）

問曰：何等是具足無常想？

答曰：觀有為法念念生滅，如風吹塵，如山上水流，如火焰隨滅。一切有為法，無牢無強，不可取、不可著，為如幻化，誑惑凡夫。

因是無常得入空門，是空中一切法不可得故，無常亦不可得。<sup>7</sup>所以者何？

一念中生、住、滅相不可得——生時不得有住、滅，住時不得有生、滅，滅時不得有生、住。生、住、滅相，性相違故無，是無故無常亦無。

#### ※因論生論：佛何故於苦諦中說無常

問曰：若無無常，佛何以苦諦中說無常？

<sup>5</sup> 參見《大智度論》卷 11〈1 序品〉：「十六者，觀苦四種：無常、苦、空、無我；觀苦因四種：集、因、緣、生；觀苦盡四種：盡、滅、妙、出；觀道四種：道、正、行、跡。」（大正 25，138a7-10）

另參見《大毘婆沙論》卷 79（大正 27，408c9-13）。

<sup>6</sup> 十頭羅刹攬寶女去。（導師《大智度論筆記》〔G001〕p.378）

<sup>7</sup> 無常：觀有為法念念生滅，如風塵、水流、火焰，無牢，不可取，如幻——得入空門=空中無常亦無。（導師《大智度論筆記》〔D018〕p.262）

答曰：

**A、破常說無常，非有實無常**（導師《大智度論筆記》〔D018〕p.262）

凡夫人生邪見故，謂世間是常；為滅除是常見故說無常，不為無常是實故說。

8

**B、為除諸煩惱根本故**

復次，佛未出世，凡夫人但用世俗道遮諸煩惱；今欲拔諸煩惱根本故，說是無常。

**C、為正觀得解脫故**

復次，諸外道法，但以形離五欲，謂是解脫；佛說邪相因緣故縛，觀無常正相故解脫。

**2、有餘、無餘**（導師《大智度論筆記》〔D007〕p.248）

復有二種觀無常相：一者、(229c) 有餘，二者、無餘。

如佛說：「一切人物滅盡，唯有名在，是名有餘；若人物滅盡，名亦滅，是名無餘。」

9

**3、分住、念**（導師《大智度論筆記》〔J032〕p.521）

復有二種觀無常相：一者、身死盡滅，二者、新新生滅。<sup>10</sup>

**(五) 觀無常是真涅槃道**（導師《大智度論筆記》〔D020〕p.264）

復次，有言：持戒為重。所以者何？依戒因緣故，次第得漏盡。

有言：多聞為重。所以者何？依智慧故，能有所得。

有言：禪定為重。如佛所說：定能得道。

有言：以十二頭陀為重。所以者何？能淨戒行故。

如是各各以所行為貴，更不復勲求涅槃。佛言：「是諸功德皆是趣涅槃分；若觀諸法無常，是為真涅槃道。」<sup>11</sup>

如是等種種因緣故，諸法雖空而說是無常想。

**(六) 無常想是聖道別名**

復次，「無常想」，即是「聖道」別名。

佛種種異名說「道」：或言「四念處」，或言「四諦」，或言「無常想」。如《經》中說：「善修無常想，能斷一切欲愛、色愛、無色愛；掉、慢、無明盡，能除三界結使。」

<sup>8</sup> 破常顛倒故說無常，是對治，非第一義。（導師《大智度論筆記》〔C009〕p.198）

<sup>9</sup> 出處待考。

<sup>10</sup> 《大智度論》卷 43：「無常亦有二種：一者、念念滅，一切有為法不過一念住；二者、相續法壞，故名為無常。」（大正 25，372b19-21）

<sup>11</sup> 參見《雜阿含經》卷 10（270 經）：「無常想者，能建立無我想；聖弟子住無我想，心離我慢，順得涅槃。」（大正 2，71a1-2）

<sup>12</sup>以是故，即名為「道」。

**(七) 分別** (導師《大智度論筆記》[ F003 ] p.328)

是無常想，

**1、有漏、無漏**

**(1) 聲聞之無常想**

或有漏，或無漏——正得無常是無漏，初學無常是有漏。<sup>13</sup>

**(2) 大乘之無常想**

摩訶衍中，諸菩薩心廣大，種種教化一切眾生故，是無常想亦有漏亦無漏。

**2、地**

若無漏，在九地；若有漏，在十一地。<sup>14</sup>

**3、所緣**

緣三界五受眾。<sup>15</sup>

**4、根相應**

四根相應——除苦根。<sup>16</sup>

**5、凡、聖**

凡夫、聖人得。<sup>17</sup>

如是等種種因緣，說無常想<sup>18</sup>功德。

<sup>12</sup> 參見《雜阿含經》卷 10 (270 經)：「諸比丘！云何修無常，修習、多修習，能斷一切欲愛、色愛、無色愛、掉、慢、無明？若比丘於空露地、若林樹間，善正思惟，觀察色無常，受、想、行、識無常；如是思惟，斷一切欲愛、色愛、無色愛、掉、慢、無明。所以者何？無常想者，能建立無我想；聖弟子住無我想，心離我慢，順得涅槃。」(大正 2，70c25-71a2)

另參見 Samyutta, III, p.155。

<sup>13</sup> 參見《大毘婆沙論》卷 166：「有漏無漏者，不淨想、厭食想、一切世間不可樂想唯有漏，餘有漏、無漏。」(大正 27，839a26-27)

<sup>14</sup> 參見《大毘婆沙論》卷 166：「不淨想、厭食想在十地，謂欲界、靜慮中間、四靜慮，及四近分；一切世間不可樂想在七地，謂欲界、未至、靜慮中間、根本四靜慮。餘七想，有漏者，在十一地，謂欲界、未至、靜慮中間、根本四靜慮、四無色；無漏者，在九地，謂未至、靜慮中間、根本四靜慮、下三無色。所依者，不淨想、厭食想、一切世間不可樂想依欲界，餘依三界。」(大正 27，838a1-8)

<sup>15</sup> 參見《大毘婆沙論》卷 166：「所緣者，無常想——有漏者，三諦為所緣；無漏者，苦諦為所緣。」(大正 27，838b2-3)

《大毘婆沙論》卷 166：「緣三界繫、不繫者：無常想、無常苦想、苦無我想、死想，緣三界繫。」(大正 27，839a2-4)

《大毘婆沙論》卷 166：「緣有漏、無漏者，前七想緣有漏，後三想緣無漏。」(大正 27，839b2-3)

<sup>16</sup> 參見《大毘婆沙論》卷 166：「〔十想：〕根者，總說皆與三根相應，謂樂、喜、捨根。」(大正 27，838c18-19)

《大智度論》此處說樂、喜、捨、憂四根相應，比《大毘婆沙論》所說多一憂根。

<sup>17</sup> 參見《大毘婆沙論》卷 166：「學等者——不淨想、厭食想、一切世間不可樂想，唯非學非無學；餘通三種，謂學、無學、非學非無學。」(大正 27，839a10-12)

<sup>18</sup> 〔想〕—【宋】【元】【明】【宮】。(大正 25，229d，n.12)

**二、苦想**

**〔一〕有爲無常故苦**（導師《大智度論筆記》〔A043〕p.81）

「苦想」者，行者作是念：「一切有爲法無常故苦。」

**〔二〕有爲無漏，無常而非愛著，故非苦**（導師《大智度論筆記》〔A043〕p.81）

問曰：若有爲法無常故苦者，諸賢聖人有爲無漏法亦應當苦！

答曰：諸法雖無常，愛著者生苦，無所著者無苦！

**〔三〕凡夫苦與聖人苦之差別**

問曰：有諸聖人雖無所著，亦皆有苦，如舍利弗風熱病苦<sup>19</sup>，畢陵伽婆蹉眼痛苦<sup>20</sup>，羅婆那跋提<sup>21</sup>（音聲第一也）痔病苦<sup>22</sup>，云何言「無苦」？

答曰：

**1、聖人有身苦而無心苦**<sup>23</sup>（導師《大智度論筆記》〔A043〕p.81）

有二種苦：一者、身苦，二者、心苦。<sup>24</sup>（230a）

**※ 老病、飢渴、寒熱等身苦，憂愁、嫉妬、瞋恚等心苦**

是諸聖人以智慧力故，無復憂愁、嫉妬、瞋恚等心苦；已受先世業因緣四大造身，有老病、飢渴、寒熱等身苦——於身苦中亦復薄少。如人了了知負他債，償之不以爲苦；若人不憶負債，債主強奪，瞋惱<sup>25</sup>生苦。

**2、凡夫受身心苦如二箭雙射**（導師《大智度論筆記》〔G002〕p.379）

<sup>19</sup> 舍利弗風熱病。（導師《大智度論筆記》〔G001〕p.378）

參見(Lamotte, p.1439, n.2):風病,參見 Vinaya, I, p.214,《四分律》卷 42(大正 22, 867b29-c26)。熱病:參見 Vinaya, II, p.140,《十誦律》卷 26(大正 23, 190c24-191a8)。

《薩婆多毘尼毘婆沙》卷 4:「舍利弗病者——佛弟子中多病,無過舍利弗,常患風冷又病熱血。有醫言:風病應服大麥漿。又言:血病應取大麥汁服之。又言:應燒石令熱著乳汁中服之。又言:應乳汁中煮蒜食之。又言:應取樹葉搥取汁以塗身上。又言:著禪帶。

舍利弗有大功德智慧,何以有如是病耶?又言:舍利弗前世業緣故,以過去世惱亂父母及以師僧,是故有病。又云:舍利弗智慧利根,深染法味,常修智慧及論議法,又樂禪定、勸作眾事,精勤三業無時暫懈,臥起不時,故有此病。又云:此是後邊身,先世罪業一切受盡,然後泥洹,故多病也。」(大正 23, 528c18-529a1)

<sup>20</sup> 參見《四分律》卷 42(大正 22, 867b27-29),《十誦律》卷 26(大正 23, 184c12-23),《毘尼母經》卷 3(大正 24, 815b26-29)。

<sup>21</sup> 參見(Lamotte, p.1439, n.4):《根本說一切有部毘奈耶藥事》卷 17(大正 24, 89c11-90a11), Saṃyutta, II, p.279, Aṅguttara, I, p.23, Udāna(巴利《自說經》), p.76, Theragāthā(巴利《長老偈》), p.49, v.466-472。

<sup>22</sup> 羅婆那跋提痔病。（導師《大智度論筆記》〔G001〕p.378）

<sup>23</sup> 凡夫——無常故苦

┌有爲有漏┌┌┌苦微少

諸行無常┌┌┌聖人身┌┌但身苦

┌有爲無漏——非苦 (導師《大智度論筆記》〔F010〕p.336)

<sup>24</sup> 身心二苦。（導師《大智度論筆記》〔C030〕p.234）

身心二苦有二說。第一說：老病、飢渴、寒熱等爲身苦，憂愁、嫉妬、瞋恚等爲心苦。第二說：五識相應苦及外因緣杖楚、寒熱等爲身苦，其餘爲心苦。

<sup>25</sup> 惱=恚【石】。（大正 25, 230d, n.1）

問曰：苦受是心心數法，身如草木，離心則無所覺，云何言「聖人但受身苦」？  
答曰：凡夫人受苦時，心生愁惱，為瞋使所使，心但向五欲。如佛所說：「凡夫人除五欲，不知更有出苦法。於樂受中，貪欲使所使；不苦不樂受中，無明使所使。凡夫人受苦時，內受三毒苦，外受寒熱、鞭杖等。如人內熱盛，外熱亦盛。」<sup>26</sup>如經說：「凡夫人失所愛物，身、心俱受苦，如二箭雙射；<sup>27</sup>諸賢聖人無憂愁苦，但有身苦，更無餘苦。」<sup>28</sup>

**※ 五識相應苦及外因緣杖楚、寒熱等是身苦，其餘為心苦**

復次，五識相應苦，及外因緣杖楚、寒熱等苦，是名身苦；餘殘名心苦。

**3、有為無漏非苦**（導師《大智度論筆記》〔F010〕p.336）

復次，我言：「有為無漏法，不著故非苦。」聖人身是有漏，有漏法則苦，有何咎？是末後身所受苦亦微少。

**（四）釋疑：「若無常故苦，道是無常亦應是苦」**

問曰：若無常即是苦者，道亦是苦，云何以苦離苦？

答曰：

**1、「無常故苦」但指五受眾**

無常即是苦，為五受眾故說。

**（1）道無常，與空無我合故非苦**（導師《大智度論筆記》〔A043〕p.81）

道雖作法故無常，不名為苦。所以者何？是能滅苦，不生諸著，與空、無我等諸智和合故，但是無常而非苦。如諸阿羅漢得道時，說偈言：「我等不貪生，亦復不樂死；一心及智慧，待時至而去！」<sup>29</sup>

佛取涅槃時，阿難等諸未離欲人，未善修八聖道故，皆涕泣憂愁；諸離欲阿那含，皆驚愕；諸漏盡阿羅漢，其心不變，但言：「世間眼（230b）滅疾！」<sup>30</sup>以得道力故，雖從佛得大利益，知重佛無量功德而不生苦。

以是故知「道」雖無常，非苦因緣故，不名為苦。

**（2）五受眾是苦，愛著故，敗壞故**（導師《大智度論筆記》〔A043〕p.81）

但五受眾是苦。何以故？愛著故，無常敗壞故。如受念處中苦義<sup>31</sup>，此中應廣說。

**2、有身即苦，癡故不知**（導師《大智度論筆記》〔A043〕p.81）

復次，苦者，有身常是苦，癡覆故不覺。如說：

「騎乘疲極故，求索<sup>32</sup>住立處；住立疲極故，求索坐息處；

<sup>26</sup> 參見《雜阿含經》卷 10（470 經）（大正 2，120a8-22）。

<sup>27</sup> 凡夫受身心苦如二箭雙射。（導師《大智度論筆記》〔G002〕p.379）

<sup>28</sup> 參見（Lamotte, p.1441, n.2）：《雜阿含經》卷 10（470 經）（大正 2，119c28-120b15）。

<sup>29</sup> 參見《中阿含經》卷 18（74 經）《八念經》（大正 1，542a25-28），《阿那律八念經》（大正 1，836c25-26）。

<sup>30</sup> 參見《長阿含經》卷 4《遊行經》（大正 1，24b26-c16）。

<sup>31</sup> 參見《大智度論》卷 19（大正 25，199c24-200a20）。

<sup>32</sup> 求索：1、尋找，搜尋。2、索取，乞求。（《漢語大詞典（五）》，p.900）

坐久疲極故，求索安臥處；眾極由作生，初樂後則苦。  
視眴<sup>33</sup>息出入，屈伸坐臥起，行立及去來，此事無不苦！」

**(五) 樂受非實**<sup>34</sup> (導師《大智度論筆記》〔A043〕p.81)

問曰：是五受眾為一切皆苦？為苦想觀故苦？

若一切皆苦，佛云何說有三種受——苦受、樂受、不苦不樂受？<sup>35</sup>

若以苦想故苦，云何說「苦諦為實苦」？

答曰：五受眾一切皆苦。

**1、大苦息故** (導師《大智度論筆記》〔A043〕p.81)

凡夫人四顛倒因緣，為欲所逼，以五欲為樂；如人塗瘡，大痛息故以為樂，瘡非樂也。

**2、滅受乃樂故** (導師《大智度論筆記》〔A043〕p.81)

佛說三種受，為世間故，於實法中非是樂也！若五受眾中實有樂，何以故佛說「滅五受眾名為樂」<sup>36</sup>？

**3、隨人心而樂故** (導師《大智度論筆記》〔A043〕p.81)

復次，隨其所嗜，樂心則生樂，無定也。樂若實定，不待<sup>37</sup>心著；如火實熱，不待著而熱也。以樂無定，故名為苦。

**4、能生今後世無量苦故** (導師《大智度論筆記》〔A043〕p.81)

復次，世間顛倒樂，能得今世、後世無量苦果報，故名為苦。譬如大河水中著少毒，不能令水異；世間顛倒毒藥<sup>38</sup>，於一切大苦水中<sup>39</sup>則不現。如說：

「從天下生地獄時，憶本天上歡樂事，宮觀婁女滿目前，園苑浴池以娛志。(230c) 又見獄火來燒身，似如大火焚竹林，是時雖見天上樂，徒自感結無所益！」

**(六) 諸門分別**

是苦想攝、緣，如無常想。<sup>40</sup>

**(七) 結**

如是等種種分別苦，名為「苦想」。

**三、無我想**

**(一) 顯無我義**

<sup>33</sup> 眴 (尸メㄣ)：1、看，眨眼。2、目轉動示意。(《漢語大詞典(七)》p.1204)

<sup>34</sup> 樂受非實：1、大苦息故，2、滅受乃樂故，3、隨眾而樂故，4、能生今後世無量苦故。(導師《大智度論筆記》〔A043〕p.81)

<sup>35</sup> 參見 (Lamotte, p.1446, n.1)：《雜阿含經》卷 17 (476 經) (大正 2，121c13-28)。

<sup>36</sup> 佛說滅五受眾為樂。(導師《大智度論筆記》〔G002〕p.379)

<sup>37</sup> 待=侍【石】。(大正 25，230d，n.5)

<sup>38</sup> 藥=樂【宋】【元】【明】【宮】。(大正 25，230d，n.6)

<sup>39</sup> [中]—【宋】【元】【明】【宮】。(大正 25，230d，n.7)

<sup>40</sup> 參見《大智度論》卷 23：「[無常想]若無漏，在九地；若有漏，在十一地。緣三界五受眾。」(大正 25，229c19-21)

**1、苦則無我**

「無我想」者，苦則是無我。所以者何？五受眾中盡皆是苦相<sup>41</sup>，無有自在，若無自在是則無我；若有我自在者，不應令身有苦。如所說：

「諸有無智人，身心計是我，漸近堅著故，不知無常法。  
是身無作者，亦無有受者；是身為無生<sup>42</sup>，而作種種事。  
六情塵因緣，六種識得生；從三事<sup>43</sup>和合，因緣觸法生。  
從觸法因緣，受念業法生；<sup>44</sup>如珠日<sup>45</sup>草薪，和合故火生。  
情塵識和合，所作事業成；相續相似有，如種有牙<sup>46</sup>莖！<sup>47</sup>」

**2、我相不可得故無我**

復次，我相不可得故無我。<sup>48</sup>一切法有相故則知有，如見煙覺熱，故知有火；於五塵中各各別異，故知有情；種種思惟籌量諸法故，知有心心數法。此我無相，故知無我。

**※釋疑：「出入息乃至精勤等是我相，云何言無我」疑**

問曰：有出入氣，則是我相；視眴、壽命心、苦樂、愛憎、精勤等是我相。若無我，誰有是出入息、視眴、壽命心、苦樂、愛憎、精勤等？當知有我在內動發故。

壽命心亦是我法。若無我，如牛無御。有我故能制心入法，不為放逸；若無我者，誰制御心？

受苦樂者是我。若無我者，為如樹木，則不應別苦樂！愛憎、精勤亦如是。

我雖微細，不可以五情知，因是相故，可(231a)知為有。

答曰：

**(1) 總答：視眴等皆為識相，我無相故無**（導師《大智度論筆記》〔D001〕p.238）

是諸相皆是識相。有識，則有入出息、視眴、壽命等；若識離身則無。汝等我常遍故，死人亦應有視眴、入出息、壽命等！

**(2) 別遣**

**A、出入息等是色法，亦是識相，非我相**

復次，出入息等是色法，隨心風力故動發。此是識相，非我相。

<sup>41</sup> 相=苦想【宋】【元】【明】【宮】，=苦相【石】。(大正 25，230d，n.10)

<sup>42</sup> 生=主【宋】【元】【明】【宮】。(大正 25，230d，n.11)

<sup>43</sup> 三事：六情（六根）、六塵、六識。

<sup>44</sup> 情塵生識，三和觸生，從觸受念業生。(導師《大智度論筆記》〔A059〕p.100)

<sup>45</sup> 元照撰《四分律行事鈔資持記》卷 3：「火珠即水精珠，日光照之，用艾引火。」(大正 40，394a15-16)

<sup>46</sup> 牙=芽【明】。(大正 25，230d，n.12)

<sup>47</sup> 相似相續有，如種有芽莖。(導師《大智度論筆記》〔C005〕p.190)

<sup>48</sup> 我無相故無。(導師《大智度論筆記》〔D001〕p.238)

**B、壽命是心不相應行，亦是識相，非我相**（導師《大智度論筆記》〔A059〕p.100）

壽命是心不相應行，<sup>49</sup>亦是識相。

**※ 因論生論：無心定等無識，云何言是識相**

問曰：若入無心定中或眠<sup>50</sup>無夢時，息亦出入、有壽命，何以故言「皆是識相」？

答曰：無心定等，識雖暫無，不久必還生，識不捨身故；<sup>51</sup>有識時多，無識時少，是故名識相。<sup>52</sup>如人出行，不得言其家無主。

**C、苦樂、憎愛、精勤等是心相應，亦是識相，非我相**

苦樂、憎愛、精勤等，是心相應，<sup>53</sup>共緣，隨心行；心有故便有，心無故便無。以是故是識相，非我相。

**3、有我則無解脫，無我、無我所方得解脫**

**(1) 執我若常若無常，俱無罪福解脫**

復次，若有我者，我有二種：若常，若無常。如說：

「若我是常，則無後身；常不生故，亦無解脫！

亦無妄<sup>54</sup>無作，以是故當知：無作罪福者，亦無有受者。

捨我及我所，然後得涅槃；若實有我者，不應捨我心。<sup>55</sup>

若我無常者，則應隨身滅；如大岸墮水，亦無有罪福。」<sup>56</sup>

如是，我及知者、不知者，作者、不作者，如「檀波羅蜜」中說。<sup>57</sup>不得是我相故，知一切法中無我；若知一切法中無我，則不應生我心。

**(2) 無我則無我所，我我所離則縛脫涅槃**（導師《大智度論筆記》〔C007〕p.193）

若無我，亦無我所心；我、我所離故，則無有縛；若無縛，則是涅槃。是故行者應行無我想！

**(二) 無常、苦、無我之別**（導師《大智度論筆記》〔F003〕p.329）

問曰：是無常、苦、無我，爲一事？爲三事？

若是一事，不應說三。

<sup>49</sup> 壽命是心不相應行。（導師《大智度論筆記》〔A059〕p.100）

<sup>50</sup> 眠=睡【宋】【元】【明】【宮】。（大正 25，231d，n.1）

<sup>51</sup> 無心定無識，不久還生，不捨身故。（導師《大智度論筆記》〔A059〕p.100）

<sup>52</sup> 有關無心定中的無想定、滅盡定，參見《俱舍論》卷 5（大正 29，24b12-26a22）。

印順法師著《唯識學探源》p.49：「經上雖說滅受想定是無心定，但也說入滅受想定的『識不離身』；所以，有情必然是有心的。悶絕等僅是沒有粗顯的心識，微細的意識還是存在，只是不容易發覺罷了。相續的細心，就在這樣的思想下展開。」

<sup>53</sup> 苦樂、憎愛、精勤是心相應。（導師《大智度論筆記》〔A059〕p.100）

<sup>54</sup> 妄=忘【宋】【元】【明】【宮】。（大正 25，231d，n.2）

<sup>55</sup> 有我不應無我得涅槃故。（導師《大智度論筆記》〔D001〕p.238）

<sup>56</sup> 破我：常無常俱無罪福解脫。（導師《大智度論筆記》〔D001〕p.238）

<sup>57</sup> 參見《大智度論》卷 12（大正 25，148b1-150a17）。

若是<sup>58</sup>三事，佛何以故說「無常即是苦，苦即是無我」<sup>59</sup>？

答曰：是一（231b）事，所謂受有漏法，觀門分別故，有三種異。<sup>60</sup>

**1、無常行相應，苦行相應，無我行相應**

無常行相應，是「無常想」；苦行相應，是「苦想」；無我行相應，是「無我想」。

**2、不令入三界，令知三界過，捨世間**

無常，不令入三界；苦，令知三界罪過；無我，則捨世間。

**3、生厭，生畏，令脫**

復次，無常，生厭心；苦，生畏怖；無我，出拔令解脫。

**4、五受眾是無常，無常是苦，苦是無我**

無常者，佛說「五受眾是無常」；苦者，佛說「無常則是苦」；無我者，佛說「苦即是無我」。

**5、示五受眾盡滅相，示如箭入心，示捨離**

無常者，佛示五受眾盡滅相；苦者，佛示如箭入心；無我者，佛示捨離相。

**6、斷愛，斷我習慢，斷邪見**

無常者，示斷愛；苦者，示斷我習慢；無我者，示斷邪見。

**7、遮常，遮現樂，遮著處**

無常者，遮常見；苦者，遮今世涅槃樂見；無我者，遮著處。

**8、所著常是，所著樂是，所著我牢固是**

無常者，世間所可著常法是；苦者，世間計樂處是；無我者，世間所可計我牢固者是。

是為三相分別想。

**（三）諸門分別**

無我想緣、攝種種，如苦想中說。<sup>61</sup>

**四、食不淨想**

**（一）食不淨想之內容及觀法**

<sup>58</sup> [是] — 【宋】【元】【明】【宮】。（大正 25，231d，n.3）

<sup>59</sup> 《別譯雜阿含經》卷 11（202 經）：「若假因緣和合有者即是無常，無常即苦，苦即無我。」（大正 2，448c11-13）

<sup>60</sup> 一事三想分別 | 無常想：1、無常行相應，2、不令入三界，3、生厭，4、五受眾是，  
| 5、示五受眾盡滅相，6、斷愛，7、遮常，8、所著常是。  
| 苦 想：1、苦行相應，2、令知三界過，3、生畏，4、無常是，  
| 5、示如箭入心，6、斷我習慢，7、遮現樂，8、所著樂是。  
| 無我想：1、無我行相應，2、捨世間，3、令脫，4、苦是，  
| 5、示捨離，6、斷邪見，7、遮著處，8、所著我牢固是。

（導師《大智度論筆記》〔F010〕p.336）

<sup>61</sup> 參見《大智度論》卷 23：「是苦想攝、緣，如無常想。」（大正 25，230c3）

參見《大智度論》卷 23：「〔無常想〕若無漏，在九地；若有漏，在十一地。緣三界五受眾。」（大正 25，229c19-21）

**1、食從不淨因緣生，轉生諸惑及罪業**

「食厭想」者，觀是食從不淨因緣生。

如肉從精血水道生，是為膿虫<sup>62</sup>住處；如酥乳酪，血變所成，與爛膿無異；廚人污<sup>63</sup>垢，種種不淨。

若著口中，腦<sup>64</sup>有爛涎<sup>65</sup>，二道流下，與唾和合，然後成味，其狀如吐，從腹門入；地持、水爛，風動、火煮，如釜<sup>66</sup>熟糜<sup>67</sup>，滓濁<sup>68</sup>下沈，清者在上。譬如釀酒，滓濁為屎，清<sup>69</sup>者為尿。<sup>70</sup>

腰<sup>71</sup>有三孔，風吹膩汁，散入百脈，與先血和合，凝變為肉；從新肉生脂、骨、髓，從是中生身根；從新舊肉合生五情根，從五根生五識；五識次第生意識，分別取相，籌量好醜；然後生我、我所心等諸煩惱，及諸罪業。

觀食如是本末因緣種種不淨，知內四大與外四大無異，但以我見故，強為我有。

**2、思惟此食功重乃成，但入口即成不淨，若貪著當墮惡道，故應生厭想**

復次，思惟此食，墾植耘除，收穫蹂<sup>72</sup>（231c）治，舂<sup>73</sup>磨洮<sup>74</sup>汰<sup>75</sup>，炊煮乃成，用功甚重；計一鉢之飯，作夫流汗集合，量之食少汗多。此食作之功重，辛苦如是，入口食之，即成不淨，無所一直<sup>76</sup>，宿昔之間變為屎尿。本是美味，人之所嗜；變成不淨，惡不欲見。

行者自思：「如此弊食，我若貪著，當墮地獄噉燒鐵丸；從地獄出，當作畜生——牛、羊、駱駝，償其宿債；或作猪狗，常噉糞除。」如是觀食，則生厭想。

**3、因食厭故，於五欲中皆厭；斷此五欲，則五下分結斷**

因食厭故，於五欲中<sup>77</sup>皆厭。

<sup>62</sup> 虫=蟲【元】【明】。（大正 25，231d，n.6）

<sup>63</sup> 污=汗【宋】【元】【明】【宮】。（大正 25，231d，n.8）

<sup>64</sup> 《大正藏》原作「惱」，今依《高麗藏》改作「腦」（第 14 冊，610c6）。

<sup>65</sup> 涎（ㄊ一ㄣˇ）：1、唾液，口水。2、粘液，漿汁。（《漢語大詞典（五）》，p.1167）

<sup>66</sup> 釜（ㄉㄨˇ）：古炊器。斂口，圓底，或有二耳。其用如鬲，置於灶口，上置甑以蒸煮。盛行於漢代。有鐵製的，也有銅和陶製的。（《漢語大詞典（六）》，p.1118）

<sup>67</sup> 糜（ㄇㄨㄣˊ）：粥。（《漢語大詞典（九）》，p.238）

<sup>68</sup> 滓濁：污穢，污濁。（《漢語大詞典（六）》，p.41）

滓（ㄗㄨㄣˋ）：渣，沉澱的雜質。（《漢語大詞典（六）》，p.41）

<sup>69</sup> 清+（汁）【石】。（大正 25，231d，n.10）

<sup>70</sup> 消化生理作用經過。（導師《大智度論筆記》〔E024〕p.322）

<sup>71</sup> 腰=胃【石】，=膚【宮】。（大正 25，231d，n.11）

<sup>72</sup> 蹂（ㄖㄡˊ）：1、搓揉。2、踐踏。（《漢語大詞典（十）》，p.526）

<sup>73</sup> 舂（ㄔㄨㄥ）：1、用杵臼搗去穀物的皮殼。2、沖，沖擊。（《漢語大詞典（八）》，p.1288）

<sup>74</sup> 洮=淘【明】。（大正 25，231d，n.14）

洮（ㄊㄠˊ）：同“淘”。以水沖洗，除去雜質。（《漢語大詞典（五）》，p.1172）

<sup>75</sup> 淘汰：洗去雜質，去除雜質。（《漢語大詞典（五）》，p.1401）

<sup>76</sup> 直：價值。（《漢語大詞典（一）》，p.853）

<sup>77</sup> 〔中〕—【宋】【元】【明】【宮】。（大正 25，231d，n.15）

譬如一婆羅門修淨潔法，有事緣故到不淨國；自思：「我當云何得免此不淨？唯當乾食，可得清淨。」見一老母賣白髓餅，而語之言：「我有因緣住此百日，常作此餅送來，當多與價！」老母日日作餅送之；婆羅門貪著，飽食歡喜。老母作餅，初時白淨，後轉無色、無味；即問老母：「何緣爾耶？」母言：「癰瘡差故。」婆羅門問：「此言何謂？」母言：「我大家夫人隱處生癰，以麵、酥、甘草拊<sup>78</sup>之，癰熟膿出，和合酥餅；日日如是，以此作餅與汝，是以餅好。今夫人癰差，我當何處更得？」婆羅門聞之，兩拳打頭，搥胸吁<sup>79</sup>嘔，「我當云何破此淨法？我為了矣！」棄捨緣事，馳還本國。<sup>80</sup>

行者亦如是，著是飲食，歡喜樂噉。見其好色細滑，香美可口，不觀不淨；後受苦報，悔將何及！若能觀食本末如是，生惡厭心，因離食欲，四<sup>81</sup>欲皆捨，於欲界中樂悉皆捨離；斷此五欲，於五下分結亦斷。

如是等種種因緣惡罪，不復樂著，是名「食厭想」。

## 〔二〕明教說次第：何故於無常等三想後次第說食厭等四想<sup>82</sup>

問曰：無常、苦、無我想，與無漏智慧相應；<sup>83</sup>食厭等四想，與有漏（232a）智慧相應。<sup>84</sup>次第法應在前，今何以後說？

答曰：

### 1、依二道次第故

佛法有二種道：見道，修道。<sup>85</sup>

見道中用是三想，破諸邪見等，得聖果，猶未離欲；為離欲故，三想次第說是食厭等四想，得離姪欲等諸煩惱。

初三想示見諦道，中四想為示學修道，後三想示無學道。<sup>86</sup>

### 2、為初、二果度欲故

初習身念處中，雖有食厭想，功用少故佛不說。今為須陀洹、斯陀含度欲故，無

<sup>78</sup> 拊（ㄇㄨˇ）：附著。（《漢語大詞典（六）》，p.466）

<sup>79</sup> 吁=干【宋】【宮】，=乾【元】【明】。（大正 25，231d，n.24）

吁（ㄒㄩ）：1、嘆詞。表示驚怪、不然、感慨等。2、憂愁。3、驚，驚動。4、吐。（《漢語大詞典（三）》，p.82）

<sup>80</sup> 婆羅門食膿和白餅。（導師《大智度論筆記》〔G002〕p.379）

<sup>81</sup> 四=五【石】。（大正 25，231d，n.26）

<sup>82</sup> 示見道——無常、苦、無我

十想與三道 示修道——食不淨、一切世間不可樂、死、不淨

示無學道——斷、離欲、盡想

（導師《大智度論筆記》〔F010〕p.337）

<sup>83</sup> 前三想〔無常想、苦想、無我想〕與無漏相應。（導師《大智度論筆記》〔F003〕p.328）

<sup>84</sup> 食厭等四想，有漏相應。（導師《大智度論筆記》〔F003〕p.329）

<sup>85</sup> 二道（見道、修道）。（導師《大智度論筆記》〔J033〕p.521）

<sup>86</sup> 十想配三道。（導師《大智度論筆記》〔F003〕p.329）

我想次第說<sup>87</sup>食厭等四想。

**五、一切世間不可樂想**（導師《大智度論筆記》〔F003〕p.329）

**（一）釋義：念三界惡**

「一切世間不可樂想」者，

**1、念欲界惡：二種惡事**

若念世間色欲滋味，車乘、服飾，廬<sup>88</sup>觀<sup>89</sup>、園宅，種種樂事，則生樂想；若念世間眾惡罪事，則心生厭想。何等惡事？惡事有二種：一者、眾生，二者、土地。<sup>90</sup>

**（1）眾生之弊惡：八苦、煩惱苦、業苦、彼此難合苦**（導師《大智度論筆記》〔C030〕p.234）

**A、八苦**（導師《大智度論筆記》〔J033〕p.521）

眾生有八苦之患：生，老，病，死，恩愛別離，怨憎同處，所求不得；略而言之，五受眾苦。<sup>91</sup>

**B、煩惱苦**

眾生之罪，**姪欲多故**，不別好醜，不隨父母師長教誨，無有慚愧，與禽獸無異。**瞋恚多故**，不別輕重，瞋毒狂發，乃至不受佛語，不欲聞法，不畏惡道；杖楚橫加，不知他苦；入大闇中，都無所見。

**愚癡多故**，所求不以道，不識事緣，如搆<sup>92</sup>角求乳；無明覆故，雖蒙日照，永無所見。

**慳貪多故**，其舍如塚，人不向之。

**憍慢多故**，不敬賢聖，不孝父母；憍逸自壞，永無所直。

**邪見多故**，不信今世、後世，不信罪福，不可共處。

如是等諸煩惱多故弊敗，為無所直。

**C、業苦**

惡業多故，造無間罪——或殺父母，或傷害賢聖；或要時榮貴，讒賊忠貞，殘害親戚。

**D、彼此難合苦**

復次，世間眾生，善好者少，弊惡者多。

或時雖有善行，貧賤鄙陋；或雖富貴端政<sup>93</sup>，而所行不善。

或雖好布施，而貧乏（232b）無財；或雖富有財寶，而慳惜貪著，不肯布施。

<sup>87</sup>〔說〕—【宋】【元】【明】【宮】。（大正 25，232d，n.2）

<sup>88</sup>《大正藏》原作「廬」，今依《高麗藏》改作「廬」（第 14 冊，611b16）。

<sup>89</sup>廬觀：泛指樓閣亭臺。《後漢書·楊震傳》：“〔樊豐、謝暉等〕各起家舍、園池、廬觀，役費無數。”（《漢語大詞典（三）》，p.1289）

<sup>90</sup>二種惡事。（導師《大智度論筆記》〔J033〕p.521）

<sup>91</sup>有關八苦，參見《大毘婆沙論》卷 78（大正 27，402b7-29）。

<sup>92</sup>搆=[穀-禾+牛]【元】【明】。（大正 25，232d，n.14）

搆（《又》）：擠取乳汁。（《漢語大詞典（六）》，p.790）

<sup>93</sup>政=正【宋】【元】【明】【宮】。（大正 25，232d，n.8）

或見人有所思，默無所說，便謂憍高自畜，不下接物。  
 或見好下接物，恩惠普潤，便謂欺誑諂飾。  
 或見能語善論，便謂恃是小智，以為憍慢。  
 或見質直好人，便共欺誑調捉<sup>94</sup>，引挽<sup>95</sup>陵<sup>96</sup>易<sup>97</sup>。  
 或見善心柔濡<sup>98</sup>，便共輕陵踏蹴<sup>99</sup>，不以理遇。  
 若見持戒清淨者，便謂所行矯異，輕賤不數<sup>100</sup>。  
 如是等眾生弊惡，無一可樂。

**(2) 土地之弊惡**

土地惡者，一切土地多衰無吉，寒熱飢渴、疾病惡疫、毒氣侵害、老病死畏，無處不有。身所去處，眾苦隨之，無處得免！雖有好國豐樂安隱，多為諸煩惱所惱，則不名樂土。一切皆有二種苦：身苦，心苦，無國不有。如說：

「有國土多寒，或有國多熱，有國無救護，或有國多惡，  
 有國常飢餓，或有國多病，有國不修福，如是無樂處。」

**(3) 結**

眾生、土地有如是惡，思惟世間無一可樂。  
 欲界惡事如是。

**2、念色界、無色界退時，其苦甚於下界**

上二界死時、退時，大生懊惱，甚於下界；譬如極高處墮，摧碎爛壞。

**(二) 不可樂想與無常、苦、無我之別**（導師《大智度論筆記》〔F003〕p.329）

問曰：無常想、苦想、無我想、一切世間不可樂想，有何等異而別說？

答曰：

**1、總觀，別觀**

有二種觀：總觀，別觀。前為總觀，此中別觀。

**2、法觀，眾生觀**

復有二種觀：法觀、眾生觀。前為呵一切法觀，此中觀眾生罪惡不同。

**3、有漏道，無漏道**

復次，前者無漏道，此中有漏道。

**4、見諦道，思惟道**

<sup>94</sup> 捉=投【宋】【元】【明】【宮】【石】。(大正 25, 232d, n.10)

<sup>95</sup> 挽(ㄨㄠˇ):拉,牽引。(《漢語大詞典(六)》p.623)

<sup>96</sup> 陵=淩【宋】【元】【明】【宮】。(大正 25, 232d, n.11)

<sup>97</sup> 陵易:欺凌。(《漢語大詞典(十一)》p.1001)

<sup>98</sup> 濡=軟【宋】【元】【明】【宮】。(大正 25, 232d, n.12)

<sup>99</sup> 踏蹴(ㄊㄨˋㄘㄨˋ):踐踏,蹂躪。(《漢語大詞典(十)》, p.508)

<sup>100</sup> 數(ㄨˋ):禮數,儀節。(《漢語大詞典(五)》, p.506)

數(ㄨˋ):親密,親近。《左傳·成公十六年》:“無日不數於六卿之門,國之材人無不事也。”杜預注:“數,不疏。”(《漢語大詞典(五)》, p.506)

前見諦道，今思惟道。

如是等種種差別。

**(三) 分別攝、緣二事**

一切地中攝，緣三界法。

**(四) 結**

是名「一切世間不可樂想」。

**六、死想**

「死想」者，如「死念」中說。<sup>101</sup>

**七、不淨想**

「不淨想」者，如「身念處」中說。<sup>102</sup>

**八、斷想，九、離想，十、盡想**

**(一) 明三想之異同**

**1、同：緣涅槃**

斷想、(232c) 離想、盡想者，緣涅槃相。

**2、異：三想之別**<sup>103</sup> (導師《大智度論筆記》〔F010〕p.337)

**(1) 斷結，離結，盡結**

斷諸結使故，名「斷想」；<sup>104</sup>離結使故，名「離想」；<sup>105</sup>盡諸結使故，名「盡想」。

<sup>106</sup>

**※釋疑：說一想便足，何以說三想**

問曰：若爾者，一想便足，何以說三？

答曰：如前一法三種說：無常即是苦，苦即是無我；<sup>107</sup>此亦如是，一切世間罪惡深重故三種呵。如伐大樹，不可以一下斷。涅槃微妙法，昔所未得，是故種種讚，名為「斷想」、「離想」、「盡想」。

**(2) 斷三毒，離愛，盡苦不生**

<sup>101</sup> 參見《大智度論》卷 22 (大正 25, 228a3-b7)。

<sup>102</sup> 參見《大智度論》卷 19 (大正 25, 198c20-199c5)。

<sup>103</sup> 斷想：1、斷結，2、斷三毒，3、無漏道斷結使，4、有餘涅槃  
三想之別—離想：1、離結，2、斷(離)愛，3、加行道遠煩惱，4、涅槃方便  
—盡想：1、盡結，2、盡苦不生，3、入涅槃滅五受眾，4、無餘涅槃  
(導師《大智度論筆記》〔F010〕p.337)

<sup>104</sup> 參見《大毘婆沙論》卷 29：「云何斷想？答：除愛結，餘結斷諸想解，名斷想。」(大正 27, 149, 17-18)

<sup>105</sup> 參見《大毘婆沙論》卷 29：「云何離想？答：愛結斷諸想解，名離想。」(大正 27, 149c18-19)

<sup>106</sup> 參見《大毘婆沙論》卷 29：「云何滅想？答：諸餘順結法斷諸想解，名滅想。」(大正 27, 149c19-20)

<sup>107</sup> 參見《大智度論》卷 23 (大正 25, 231a27-b14)。

復次，斷三毒故，名為「斷」；離愛故，名為「離」；滅一切苦更不生故，名為「盡」。

**(3) 無漏道斷結使，加行道遠煩惱，入涅槃滅五受眾**

復次，行者於煖法、頂法、忍法、世間第一法，正智慧觀，遠諸煩惱，是名「離想」；得無漏道，斷諸結使，是名「斷想」；入涅槃時，滅五受眾不復相續，是名「盡想」。

**(4) 有餘涅槃，涅槃方便，無餘涅槃**

「斷想」，有餘涅槃；「盡想」，無餘涅槃；「離想」，二<sup>108</sup>涅槃方便門。

**(二) 諸門分別<sup>109</sup>**

是三想，有漏、無漏故，一切地中攝。(十想竟)

**〈大智度初品中十一智釋論第三十八〉**

(丹云：三三昧義、三根義合)

(大正 25，232c16~235a20)

**陸、十一智**

【經】十一智：<sup>(1)</sup>法智、<sup>(2)</sup>比智、<sup>(3)</sup>他心智、<sup>(4)</sup>世智、<sup>(5)</sup>苦智、<sup>(6)</sup>集智、<sup>(7)</sup>滅智、<sup>(8)</sup>道智、<sup>(9)</sup>盡智、<sup>(10)</sup>無生智、<sup>(11)</sup>如實智。

**【論】**

**一、明十一智〔第一說〕**

**(一) 出體**

**1、法智<sup>110</sup>**

「法智」者，欲界繫法中無漏智，欲界繫因中無漏智，欲界繫法滅中無漏智；為斷欲界繫<sup>111</sup>法道中無漏智，及法智品<sup>112</sup>中無漏智。

**2、比智(類智)**

「比智」者，於色、無色界中無漏智亦如是。

<sup>108</sup> 二=無【元】【明】。(大正 25，232d，n.18)

<sup>109</sup> 有關十想之諸門分別，參見《大毘婆沙論》卷 166 (大正 27，837c28-839b21)。

<sup>110</sup> 《大毘婆沙論》卷 106：「智體是法，故名法智。」(大正 27，547c16)

詳見《大毘婆沙論》卷 106 (大正 27，547c16-548a13)。

<sup>111</sup> 〔繫〕—【宮】。(大正 25，232d，n.21)

<sup>112</sup> 圓暉述《俱舍論頌疏論本》卷 21：「品者，類也；法智、法忍，同品類故，名法智品。」(大正 41，938a16-17)

**3、他心智**<sup>113</sup>

「他心智」者，知欲界、色界繫現<sup>114</sup>在他心心數法，及無漏<sup>115</sup>心心數法少分。

**4、世智**<sup>116</sup>

「世智」者，諸有漏智慧。

**5、苦智**<sup>117</sup>

「苦智」者，五受眾<sup>118</sup>無常、苦、空、無我，觀時得無漏智。

**6、集智**

「集智」者，有漏法因：因、集、生、緣，觀時無漏智。

**7、滅智**

「滅智」者，滅、止、妙、出，觀時無漏智。

**8、道智**

「道智」者，道、正、行、達，觀時無漏智。

**9、盡智**

「盡智」者，「我見苦已，斷集已，盡證已，修道已。」(233a)如是念時，無漏智慧見明覺。

**10、無生智**

「無生智」者，「我見苦已不復更見，斷集已不復更斷，盡證已不復更證，修道已不復更修。」如是念時，無漏智慧見明覺。

**11、如實智**

「如實智」<sup>119</sup>者，一切法總相、別相，如實正知，無有罣礙。

**(二) 法門分別：十智** (導師《大智度論筆記》[D023] p.270)

**1、所緣**<sup>120</sup>

**(1) 法智**

是法智緣欲界繫法，及欲界繫法因，欲界繫法滅，為斷欲界繫法道。

**(2) 比智**

比智亦如是。<sup>121</sup>

<sup>113</sup> 《大毘婆沙論》卷 106：「知他心故。」(大正 27, 548a14) 詳見卷 106 (大正 27, 548a14-b9)。

<sup>114</sup> 現=見【宋】【元】【明】【宮】。(大正 25, 232d, n.22)

<sup>115</sup> 漏+(法)【石】。(大正 25, 232d, n.23)

<sup>116</sup> 《大毘婆沙論》卷 106：「知世俗故。」(大正 27, 548b9-10)

詳見《大毘婆沙論》卷 106 (大正 27, 548b10-23)。

<sup>117</sup> 《大毘婆沙論》106：「問：何故名苦智，乃至道智耶？答：緣苦聖諦四行相轉，故名苦智；乃至緣道聖諦四行相轉，故名道智。」(大正 27, 548b23-26) 詳見卷 106 (大正 27, 548b26-c17)。

<sup>118</sup> 眾=陰【石】。(大正 25, 232d, n.12)

<sup>119</sup> 參見《摩訶般若波羅蜜經》卷 5：「諸佛一切種智是名如實智。須菩提！是名菩薩摩訶薩摩訶衍，以不可得故。」(大正 8, 255a2-4)

<sup>120</sup> 參見 (Lamotte, p.1474, n.1)：《品類足論》卷 1 (大正 26, 694b4-c4)。

<sup>121</sup> 《大毘婆沙論》卷 106：「法智、類智，俱緣四諦。」(大正 27, 549a12)

**(3) 世智**

世智，緣一切法。<sup>122</sup>

**(4) 他心智**

他心智，緣他心有漏、無漏心心數法。<sup>123</sup>

**(5) 苦智，(6) 集智**

苦智、集智，緣五受眾。<sup>124</sup>

**(7) 滅智**

滅智<sup>125</sup>，緣盡。<sup>126</sup>

**(8) 道智**

道智，緣無漏五眾。<sup>127</sup>

**(9) 盡智，(10) 無生智**

盡智、無生智，俱緣四諦。<sup>128</sup>

**2、有漏、無漏**

十智<sup>129</sup>，一有漏<sup>130</sup>，八無漏<sup>131</sup>，一當分別——他心智，緣有漏心是有漏，緣無漏心是無漏。<sup>132</sup>

**3、相攝<sup>133</sup>**

**(1) 法智**

法智，攝法智及他心智、苦智、集智、滅智、道智、盡智、無生智少分。<sup>134</sup>

<sup>122</sup> 《大毘婆沙論》卷 106：「世俗智，緣一切法。」(大正 27，549a13)

<sup>123</sup> 《大毘婆沙論》卷 106：「他心智，緣他心心所法。」(大正 27，549a12-13)

<sup>124</sup> 《大毘婆沙論》卷 106：「苦智，緣苦諦；集智，緣集諦。」(大正 27，549a13-14)

<sup>125</sup> 智+ (緣智)【宋】【元】【明】【宮】。(大正 25，233d，n.1)

<sup>126</sup> 《大毘婆沙論》卷 106：「滅智，緣滅諦。」(大正 27，549a14)

<sup>127</sup> 《阿毘達磨品類足論》卷 1：「何故道智緣學、無學法？答：道智知學、無學法——道、如、行、出故。」(大正 26，694b26-27)

《大毘婆沙論》卷 106：「道智，緣道諦。」(大正 27，549a14)

<sup>128</sup> 參見《品類足論》卷 1：「何故盡智緣一切有為法及擇滅？答：盡智自遍知我已知苦、我已斷集、我已證滅、我已修道故。何故無生智緣一切有為法及擇滅？答：無生智自遍知我已知苦不復當知、我已斷集不復當斷、我已證滅不復當證、我已修道不復當修故。」(大正 26，694b28-c4)

<sup>129</sup> 智+ (者)【宋】【元】【明】【宮】。(大正 25，233d，n.2)

<sup>130</sup> 參見《大智度論》卷 23：「世智者，諸有漏智慧。」(大正 25，232c25)

《大毘婆沙論》卷 109 (大正 27，563a27-29)。

<sup>131</sup> 八無漏：法智、比智、苦智、集智、滅智、道智、盡智、無生智。

<sup>132</sup> 《眾事分阿毘曇論》卷 1：「問：此十智，幾有漏、幾無漏？答：一有漏、八無漏、一當分別——知他心智，或有漏、或無漏。云何有漏？謂知他心智，知他有漏心心法。云何無漏？謂知他心智，知他無漏心心法。」(大正 26，631a29-b3)

另參見《品類足論》卷 2 (大正 26，631a29-b3)。

<sup>133</sup> 參見 (Lamotte, p.1475, n.2)：《品類足論》卷 1 (大正 26，694c5-19)。

有關前八智之相攝，參見《發智論》卷 8 (大正 26，957c2-10)，《大毘婆沙論》卷 167 (大正 27，843b13-844b5)。

<sup>134</sup> 《品類足論》卷 1：「法智是幾智全，幾智少分？答：法智是法智全，七智少分——謂他心智、

**(2) 比智**

比智，亦如是。<sup>135</sup>

**(3) 世智**

世智，攝世智及他心智少分。<sup>136</sup>

**(4) 他心智**

他心智，攝他心智及法智、比智、世智、道智、盡智、無生智少分。<sup>137</sup>

**(5) 苦智**

苦智，攝苦智及法智、比智、盡智、無生智少分。<sup>138</sup>

**(6) 集智，(7) 滅智**

集智、滅智、亦如是。<sup>139</sup>

**(8) 道智**

道智，攝道智及法智、比智、他心智、盡智、無生智少分。<sup>140</sup>

**(9) 盡智**

盡智，攝盡智及法智、比智、他心智、苦智、集智、滅智、道智少分。<sup>141</sup>

**(10) 無生智**

無生智，亦如是。

**4、相應**

**(1) 根相應**

九智，八根相應<sup>142</sup>——除慧根、憂根、苦根。

世智，十根相應——除慧根。<sup>143</sup>

**(2) 三三昧相應<sup>144</sup>**

苦智、集智、滅智、道智、盡智、無生智。」(大正 26, 694c5-7)

<sup>135</sup> 《品類足論》卷 1：「類智是幾智全，幾智少分？答：類智是類智全，七智少分——謂他心智、苦智、集智、滅智、道智、盡智、無生智。」(大正 26, 694c7-9)

<sup>136</sup> 《品類足論》卷 1：「世俗智是幾智全，幾智少分？答：世俗智是世俗智全，一智少分——謂他心智。」(大正 26, 694c11-13)

<sup>137</sup> 《品類足論》卷 1：「他心智是幾智全，幾智少分？答：他心智是他心智全，四智少分——謂法智、類智、世俗智、道智。」(大正 26, 694c9-11)

<sup>138</sup> 《品類足論》卷 1：「苦智是幾智全，幾智少分？答：苦智是苦智全，四智少分——謂法智、類智、盡智、無生智。」(大正 26, 694c13-14)

<sup>139</sup> 《品類足論》卷 1：「集智、滅智，應知亦爾。」(大正 26, 694c14-15)

<sup>140</sup> 《品類足論》卷 1：「道智是幾智全，幾智少分？答：道智是道智全，五智少分——謂法智、類智、他心智、盡智、無生智。」(大正 26, 694c15-17)

<sup>141</sup> 《品類足論》卷 1：「盡智是幾智全，幾智少分？答：盡智是盡智全，六智少分——謂法智、類智、苦智、集智、滅智、道智。無生智亦爾。」(大正 26, 694c17-19)

<sup>142</sup> 八根：意根、樂根、喜根、捨根、信根、精進根、念根、定根。

<sup>143</sup> 《大毘婆沙論》卷 154：「世俗智，二根、八根少分相應。二根者，謂苦、憂根；八根少分相應者，謂意、樂、喜、捨、信等四根。云何與彼少分相應？謂彼八根通有漏無漏，今唯與彼有漏相應，故言少分。」(大正 27, 786b27-29)

<sup>144</sup> 《大毘婆沙論》卷 106：「法智、類智，三三摩地俱。他心智，無漏者，道無願三摩地俱；有

**A、空三昧相應**

法智、比智、苦智，空三昧相應。

**B、無相三昧相應**

法智、比智、滅智、盡智、無生智，無相三昧相應。

**C、無作三昧相應**

法智、比智、他心智、苦智、集智、道智、盡智、無生智，無作三昧相應。

**(3) 十想相應<sup>145</sup>**

**A、前三想**

法智、比智、世智、苦智、盡智、無生智，無常想、苦想、無我想相應。

**B、中四想**

世智，中四想相應。

**C、後三想**

法智、比智、滅智、盡智、無生智，後三想相應。

有人言：世智或與離想相應。

**5、一一智幾智緣<sup>146</sup>**

**(1) 法智、比智**

法智，緣九智——除比智。

比智亦如是。<sup>147</sup>

**(2) 世智、他心智、盡智、無生智**

世智、他心智、盡智、無生智，緣十智。

**(3) 苦智、集智**

苦智、集智，(233b) 緣世智及有漏他心智。

**(4) 滅智**

滅智不<sup>148</sup>緣智。

**(5) 道智**

道智，緣九智——除世智。

**6、十六行相<sup>149</sup>**

---

漏者，非三摩地俱。世俗智，非三摩地俱。苦智，空、無願三摩地俱。集智，集無願三摩地俱。滅智，無相三摩地俱。道智，道無願三摩地俱。」(大正 27, 549a17-21)

<sup>145</sup> 《大智度論》卷 23：「十想：(1) 無常想、(2) 苦想、(3) 無我想、(4) 食不淨想、(5) 一切世間不可樂想、(6) 死想、(7) 不淨想、(8) 斷想、(9) 離欲想、(10) 盡想。」(大正 25, 229a7-8)

<sup>146</sup> 參見 (Lamotte, p.1477, n.1)：《雜阿毘曇心論》卷 6 (大正 28, 920b9-25)，《阿毘曇甘露味論》卷下 (大正 28, 974c8-12)。

<sup>147</sup> 參見《雜阿毘曇心論》卷 6：「法智緣九智，除比智；比智亦緣九智，除法智。問：何故不展轉相緣？答：下上境界故，法智緣下，比智緣上，是故不展轉相緣。」(大正 28, 920b12-15)

<sup>148</sup> 不緣智=無生智緣【宋】【元】【明】【宮】。(大正 25, 233d, n.3)

**(1) 法智、比智**

法智、比智，十六相。

**(2) 他心智**

他心智，四相。<sup>150</sup>

**(3) 苦、集、滅、道智**

苦、集、滅、道，各各四相。

**(4) 盡智、無生智**

盡智、無生智，俱十四相——除空相、無我相。<sup>151</sup>

**(5) 世智**

煖<sup>152</sup>法、頂法、忍法中世智，十六相。

世間第一法中世智，四相<sup>153</sup>。除<sup>154</sup>無相。(轉<sup>155</sup>相觀相也。舊言十六聖行<sup>156</sup>)

**7、成就<sup>157</sup>**

<sup>149</sup> 參見 (Lamotte, p.1477, n.2):《雜阿毘曇心論》卷 6 (大正 28, 918b11-c6),《阿毘曇甘露味論》卷下 (大正 28, 974a26-b5)。

《大毘婆沙論》卷 106:「行相者，法智、類智，俱作十六行相。他心智，無漏者，作道四行相；有漏者，作不明了行相。世俗智，作十六行相，亦作餘行相。苦、集、滅、道智，各作四行相。」(大正 27, 548c26-29)

<sup>150</sup> 《大毘婆沙論》卷 99:「無漏他心智，作緣道諦四行相轉；有漏他心智，作不明了行相轉。」(大正 27, 513b1-2)

<sup>151</sup> 《大毘婆沙論》卷 36:「盡智、無生智各十四行相。」(大正 27, 189c24-25)

《俱舍論》卷 26〈7 分別智品〉(大正 29, 136c7-11)。

《順正理論》卷 73:「盡、無生智除空、非我，各具有餘十四行相，由與出觀心轉相違，故在觀中無二行相，謂從二智出觀後時必自了知我生盡等。此中意說盡、無生智雖是勝義，而涉世俗，我生盡等是世俗故；空、非我是勝義，必涉勝義，此觀後決了知空、非我故，由此二智離空、非我。」(大正 29, 739c17-23)

<sup>152</sup> 煖=軟【宮】。(大正 25, 233d, n.4)

<sup>153</sup> 《大毘婆沙論》卷 106:「世俗智作十六行相，亦作餘行相。」(大正 27, 548c28-29)

另參見《大毘婆沙論》卷 185:「云何作意入正性離生？答：或無常、或苦、或空、或無我。由此則止三三摩地及唯無相能入正性離生者，意此中無常、苦作意與無願三摩地相應，空、無我作意與空三摩地相應。問：何故唯此行相入正性離生，非餘耶？答：入正性離生者有二種：一、愛行，二、見行。愛行者，依無願入；見行者，依空入。菩薩雖是愛行，而能依空入正性離生。愛行者，復有二種，謂我慢增、懈怠增。我慢增者，以無常行相入；懈怠增者，以苦行相入。見行者，亦有二種，謂我見增、我所見增。我見增者，以無我行相入；我所見增者，以空行相入。是故唯作此四行相。」(大正 27, 927c12-24)

<sup>154</sup> 除=餘【宮】。(大正 25, 233d, n.5)

《甘露味論》卷 2:「煖、忍法中等智，十六行；世間第一法中等智，四行；餘殘，無行。」(大正 28, 974b1-2)

<sup>155</sup> 轉相=相轉【宋】【元】【明】【宮】。(大正 25, 233d, n.6)

<sup>156</sup> 行+ (也)【石】。(大正 25, 233d, n.7)

<sup>157</sup> 參見 (Lamotte, p.1478, n.2):《雜阿毘曇心論》卷 6:「謂初無漏心，或有成就一，二或成就三，四時各增一。謂初無漏心或有成就一者，謂初苦法忍相應心，若未離欲，成就一等智；若離欲，成就他心智。二或成就三者，第二苦法智相應心，若未離欲，成就三智——苦智、法智、等智；若離欲，成就他心智。四時各增一者，於上四時一一增苦比智，若未離欲，四智——法智、比智、苦智、等智；若離欲，得他心智。集法智增集智，滅法智增滅智，道法

**(1) 未離欲**

初入無漏心，成就一世智。  
第二心，增苦智、法智。  
第四心，增比智。  
第六心，增集智。  
第十心，增滅智。  
第十四心，增道智。

**(2) 已離欲**

若離欲者，增他心智。

**(3) 無學道**

無學道，增盡智。

**(4) 得不壞解脫**

得不壞解脫，增無生智。

**8、修智**<sup>158</sup>

**(1) 見道位十五心及修道位第十六心**

初無漏心中，不修智。  
第二心中，現在、未來修二智。<sup>159</sup>  
**第四心中，現在修二智，未來修三智。**<sup>160</sup>  
第六心中，現在、未來修二智。  
**第八心中，現在修二智，未來修三智。**  
第十心中，現在、未來修二智。  
**第十二心中，現在修二智，未來修三智。**  
第十四心中，現在、未來修二智。  
第十六心中，現在修二智，未來修六智，若離欲修七智。<sup>161</sup>

**(2) 諸聖者於思惟道之九無礙（九無間）、九解脫**<sup>162</sup>

智增道智。忍中不得智，非智性故。集滅道比智不增智，以苦比智得名故。」（大正 28，918c16-26）

<sup>158</sup> 參見（Lamotte, p.1479, n.1）：《雜阿毘曇心論》卷 6（大正 28，918c28-919c27），《阿毘曇甘露味論》卷下（大正 28，974b5-c8），《大毘婆沙論》卷 107（大正 27，552a6-554b23）。

<sup>159</sup> 《雜阿毘曇心論》卷 6：「若得修於智，謂在聖見道，即彼當來修，諸忍亦如是。若得修於智，謂在聖見道，即彼當來修者，見道諸智現在修，即彼未來修，謂苦法智現在修，未來修苦法智，非忍，非餘智；如是乃至道法智。諸忍亦如是者，苦法忍現在修，即彼未來修，非智，非餘忍；一切忍亦如是。」（大正 28，918c28-919a5）

<sup>160</sup> 《大毘婆沙論》卷 107：「若如是功德現在修，未來即修如是功德。如諸忍現在前時，現在修如是忍，未來亦修如是忍。諸智現在前時，現在修如是智，未來亦修如是智——除三心頃。未來亦修世俗智，謂苦集滅類智時，亦修未來現觀邊世俗智。」（大正 27，552b10-15）

<sup>161</sup> 《大毘婆沙論》卷 107：「道類智時，無他心智者，現在修道、類二智，未來修六智——除世俗、他心智。有他心智者，現在修道、類二智，未來修七智——除世俗智。」（大正 27，552b26-29）  
《雜阿毘曇心論》卷 6：「或修七或六當知最後心者，若離欲，得道比智，未來修七智——除等智、盡智、無生智；若未離欲，修六智——除他心智。」（大正 28，919a28-b2）

<sup>162</sup> 參見《雜阿毘曇心論》卷 6（大正 26，919b4-920a13）。

**A、離欲界結使**

**(A) 九無礙、八解脫**

須陀洹欲離欲界結使，十七心<sup>163</sup>中修七智——除他心智、盡智、無生智。<sup>164</sup>

**(B) 第九解脫**

第九解脫心中修八智——除盡智、無生智。

**※信解脫人轉作見得**

信解脫<sup>165</sup>人轉作見得<sup>166</sup>，雙道<sup>167</sup>中修六智——除他心智、世智、盡智、無生智。  
168

**B、離色界欲、無色界欲**

**(A) 離七地欲時**

離七地欲<sup>169</sup>時，

**a、九無礙道**

無礙道中修七智——除他心智、盡智、無生智。<sup>170</sup>

<sup>163</sup> 十七心，指九無間、八解脫。

<sup>164</sup> 《雜阿毘曇心論》卷 6：「於彼上修道，十七無漏心，當知修於七，增益根或六。於『彼上修道，十七無漏心，當知修於七』者，若未離六種欲，從須陀洹果進九無礙道、八解脫道修七智。此道禪未來攝故無他心智，盡智、無生智是無學故不修，餘七智必修。」(大正 28, 919b4-9)

<sup>165</sup> (1) [脫] — 【宋】【元】【明】【宮】。(大正 25, 233d, n.9)

(2) 參見《大毘婆沙論》卷 54：

「云何信勝解補特伽羅？謂隨信行，得道類智，捨隨信行，得信勝解。

問：彼於爾時何所捨得？

答：捨名得名，捨道得道。捨名者，捨隨信行名；得名者，得信勝解名。捨道者，捨見道；得道者，得修道。

**此信勝解補特伽羅，或是預流果，或是一來向，或是一來果，或是不還向，或是不還果，或是阿羅漢向。**

謂住預流果未勝進來名預流果，若從此勝進名一來向。

若住一來果未勝進來名一來果，若從此勝進名不還向。

若住不還果未勝進來名不還果，若從此勝進名阿羅漢向。」(大正 27, 278b17-28)

<sup>166</sup> (1) 得=到【石】。(大正 25, 233d, n.10)

(2) 參見《大毘婆沙論》卷 54：

「云何見至補特伽羅？謂隨法行，得道類智，捨隨法行，得見至。

問：彼於爾時何所捨、得。

答：捨名得名，捨道得道。捨名者，捨隨法行名；得名者，得見至名。捨道者，捨見道；得道者，得修道。

**此見至補特伽羅，或是預流果乃至或是阿羅漢向，如信勝解，應說其相。」(大正 27, 278b28-c5)**

(3) 信解脫轉根作見得，參見《大毘婆沙論》卷 67(大正 27, 347b2-350b6)。

<sup>167</sup> 雙道：無礙道、解脫道。

<sup>168</sup> 《雜阿毘曇心論》卷 6：「『增益根或六』者，謂信解脫求見到，彼無礙道修六智，非他心智，無礙道相違故；非等智，似見道故；非盡智、無生智，無學故。若未離欲，解脫道亦修此六；若離欲，修七智，是故說『或』。」(大正 28, 919b11-15)

<sup>169</sup> 七地欲：四禪及前三無色定之欲。

<sup>170</sup> 《雜阿毘曇心論》卷 6：「七地離欲無礙道，……修七智，除他心智，無礙道相違故。」(大正 28, 919c5-7)

**b、九解脫道**

解脫道中修八智——除盡智、無生智。<sup>171</sup>

**(B) 離有頂欲時**

離有頂欲時，

**a、九無礙道**

無礙道中修六智——除他心智、世智、盡智、無生智。<sup>172</sup>

**b、八解脫道**

八解脫道中修七智——除世智、盡智、無生智。<sup>173</sup>

**c、第九解脫**

無學初心第九解脫，

**(a) 不時解脫人**

不時解脫人修十智，及一切有漏、無漏善根。

**(b) 時解脫人**

若時解脫人修九智<sup>174</sup>，及一切有漏、無漏善根。

**9、結**

如是等種種，以<sup>175</sup>阿毘曇門廣分別。

**(三) 法門分別：如實智**

「如實智」分別相，此《般若波羅(233c)蜜》後品<sup>176</sup>廣說。

**三、明十一智〔第二說〕**

復次，有人言：

**(一) 法智**

「法智」者，知欲界五眾無常、苦、空、無我，知諸法因緣和合生，所謂：無明因緣諸行，乃至生因緣老死。如佛為須尸摩梵志說：「先用法智分別諸法，後用涅槃智。」

177

**(二) 比智**

<sup>171</sup> 《雜阿毘曇心論》卷 6：「『得不還果時，及離上七地，勳修諸神通，解脫修習八』——得阿那含果必得根本禪故修八智——除盡智、無生智。『及四禪、三無色，此七地離欲時』——九解脫道修八智。」(大正 28，919b20-24)

<sup>172</sup> 《雜阿毘曇心論》卷 6：「『第一有離欲，無礙道修六。』……『第一有離欲，無礙道修六』者，第一有離欲，九無礙道修六智——除他心智及等智。」(大正 28，919c10-13)

<sup>173</sup> 《雜阿毘曇心論》卷 6：「第一有離欲，八解脫道修七智，除等智，非對治故。」(大正 28，919c7-9)

<sup>174</sup> 時解脫人修九智——十智中除無生智。

<sup>175</sup> 以=如【宋】【元】【明】【宮】。(大正 25，233d，n.11)

<sup>176</sup> 參見 (Lamotte, p.1483, n.1)：《摩訶般若波羅蜜經》卷 5 (大正 8，255a2-3)，卷 21 (大正 8，376b19-20)；《大智度論》卷 48 (大正 25，406c6-7)，卷 84 (大正 25，647b15-16)，卷 84 (大正 25，650c21-23)，卷 99 (大正 25，749a13-14)。

<sup>177</sup> 為須尸摩梵說二智。(導師《大智度論筆記》〔G002〕p.379)

參見 (Lamotte, p.1483, n.2)：《雜阿含經》卷 14 (347 經)(大正 2，97b5-6)。

「比智」者，知現在五受眾無常、苦、空、無我，過去、未來及色、無色界中五受眾無常、苦、空、無我亦如是。譬如見現在火熱能燒，以此比知過去、未來及餘國火亦如是。

**(三) 他心智**

「他心智」者，知他眾生心心數法。

問曰：若知他心心數法，何以故但名「知他心」？

答曰：心是主故，但名「知他心」；若說心，當知已說心數法。

**(四) 世智**

「世智」者，名為假智。聖人於實法中知，凡夫人但假名中知，以是故名假智。如棟梁椽<sup>178</sup>壁名為屋，但知是事，不知實義，是名「世智」。

**(五) 苦智，(六) 集智，(七) 滅智，(八) 道智**

**1、第一說**

**(1) 苦智**

「苦智」者，用苦慧呵五受眾。

**※ 因論生論：為何但說苦智，而不說無常、空、無我智**

問曰：五受眾亦無常、亦苦、亦空、亦無我，何以故但說「苦智」，不說「無常、空、無我智」？

答曰：為苦諦故說「苦智」、集諦故說「集智」、滅諦故說「滅智」、道諦故說「道智」。

**※ 因論生論：為何但說苦諦，而不說無常諦等**

問曰：五受眾有種種惡，何以故<sup>179</sup>但說苦諦，不說無常諦、空、無我諦？

答曰：若說無常、空、無我諦，亦不壞法相；以眾生多著樂畏苦故，佛呵世間一切皆是苦，欲令捨離故。無常、空、無我中，眾生不大畏，故不說。

復次，佛說<sup>180</sup>法中，「五受眾」有異名，名<sup>181</sup>為「苦」；以是故，但說苦智<sup>182</sup>。

是苦智，或有漏，或無漏——若在煖<sup>183</sup>法、頂法、忍法、世間第一法，是有漏；若入見諦道，是無漏。何以故？從煖法至世間第一法中，四種觀苦故。

**(2) 集智，(3) 滅智，(4) 道智**

<sup>178</sup> 椽 (ノメ弓ノ)：椽子。(《漢語大詞典(四)》p.1200)

椽子：放在檁子上架屋面板和瓦的條木。(《漢語大詞典(四)》p.1200)

檁 (カ一弓ノ) 子：架在屋架或山牆上用以支承椽子或屋面板的長條形構件。(《漢語大詞典(四)》p.1349)

<sup>179</sup> [故] — 【宋】【元】【明】【宮】。(大正 25, 233d, n.12)

<sup>180</sup> [說] — 【宋】【元】【明】【宮】。(大正 25, 233d, n.13)

<sup>181</sup> [名] — 【石】。(大正 25, 233d, n.14)

<sup>182</sup> [智] — 【宋】【元】【明】【宮】。(大正 25, 233d, n.15)

<sup>183</sup> 煖 = 軟【宮】。(大正 25, 233d, n.1)

集智、滅智、道智亦如是。

**2、第二說**

**(1) 苦智**

復次，「苦智」名知苦相實不生。(234a)

**(2) 集智**

「集智」名知一切法離，無有和合。

**(3) 滅智**

「滅智」名知諸法常寂滅、如涅槃。

**(4) 道智**

「道智」名知一切法常清淨、無正無邪。

**(九) 盡智**

「盡智」名知一切法無所有。

**(十) 無生智**

「無生智」名知一切生法不實、不定故不生。

**(十一) 如實智**

「如實智」者，十種智所不能知，以如實智故能知。

**三、十智與如實智之差別**<sup>184</sup>

**(一) 各各相、緣、別異、有觀法；無相、無緣、無別、滅諸觀法**

十智各各相、各各緣、各各別異、各各有觀法；是如實智中無相、無緣、無別、滅諸觀法，亦不有觀。

**(二) 法眼、慧眼；佛眼**

十智中有法眼、慧眼；如實智中唯有佛眼。

**(三) 阿羅漢、辟支佛、菩薩共有；唯佛獨有**

十智，阿羅漢、辟支佛、菩薩共有；如實智唯獨佛有，所以者何？獨佛有不誑法。以是故，知如實智獨佛有。

**(四) 十智入如實智中，失本名字，唯有一實智**

復次，是十智入如實智中，失本名字，唯有一實智；譬如十方諸流水，皆入大海，捨本名字，但名<sup>185</sup>大海。<sup>186</sup>

**四、總結**

如<sup>187</sup>是等種種分別十一智義<sup>188</sup>，此中略說。(丹云：十一智竟)<sup>189</sup>

<sup>184</sup> 如實智與十智。(導師《大智度論筆記》[F006] p.331)

<sup>185</sup> 名=入【宋】【元】【明】【宮】。(大正 25, 234d, n.1)

<sup>186</sup> 參見《大智度論》卷 27 (大正 25, 257c13-16):「是聲聞法中十智，摩訶衍法中有十一智，名為如實相智。是十智入是如實智中，都為一智，所謂無漏智；如十方水入大海水中，都為一味。」

<sup>187</sup> (知)+如【宋】【元】【明】【宮】。(大正 25, 234d, n.2)

**柒、三三昧**

【經】三三昧：有覺有觀三昧，無覺有觀三昧，無覺無觀三昧。

【論】

**一、釋「三昧」**

一切禪定攝心，皆名為「三摩提」。(秦<sup>190</sup>言「正心行處」)<sup>191</sup>是心從無始世界來，常曲不端；得是正心行處，心則端直。譬如蛇行常曲，入竹筒中則直。

**二、覺觀等三三昧** (導師《大智度論筆記》[A057] p.97)

是三昧三種<sup>192</sup>：

**(一) 有覺有觀三昧**

欲界未到地、初禪，與<sup>193</sup>覺觀相應故，名「有覺有觀」。<sup>194</sup>

**(二) 無覺有觀三昧**

二<sup>195</sup>禪中間，但觀相應故，名「無覺有觀」。<sup>196</sup>

**(三) 無覺無觀三昧**

從第二禪乃至有頂地，非覺觀相應故，名「無覺無觀」。<sup>197</sup>

**三、通難**

**(一) 三昧相應心數法有二十，何故但說覺、觀**

問曰：三昧相應心數法乃至二十，<sup>198</sup>何以故但說覺、觀？

<sup>188</sup> 義+ (十一智竟)【石】。(大正 25, 234d, n.3)

<sup>189</sup> [丹云十一智竟] - 【宋】【元】【明】【宮】【石】。(大正 25, 234d, n.4)

<sup>190</sup> 秦=此【明】。(大正 25, 234d, n.5)

<sup>191</sup> 三昧釋名：正心行處。(導師《大智度論筆記》[A057] p.97)

參見《大智度論》卷 7：「何等為三昧？善心一處住不動，是名三昧。」(大正 25, 110b24)

<sup>192</sup> 參見 (Lamotte, p.1487, n.1)：《中阿含經》卷 17 (72 經)《長壽王本起經》(大正 1, 538c3-4)，卷 18 (76 經)《郁伽支羅經》(大正 1, 543c20-21)。

<sup>193</sup> [與] - 【石】。(大正 25, 234d, n.6)

<sup>194</sup> (1)《大智度論》卷 17：「有覺、有觀者，得初禪中未曾所得善法功德故，心大驚悟。常為欲火所燒，得初禪時如入清涼池；又如貧人卒得寶藏。行者思惟，分別欲界過罪，知初禪利益功德甚多，心大歡喜，是名有覺、有觀。」(大正 25, 186a9-13)

(2)《大智度論》卷 48：「云何名有覺有觀三昧？離諸欲離惡不善法，有覺有觀離生喜樂入初禪，是名有覺有觀三昧。」(大正 25, 406c18-21)

(3)《俱舍論》卷 28：「有尋有伺三摩地者，謂與尋伺相應等持，此初靜慮及未至攝。」(大正 29, 149c8-9)

<sup>195</sup> [二] - 【宋】【元】【明】【宮】。(大正 25, 234d, n.7)

<sup>196</sup> (1)《大智度論》卷 48：「云何名無覺有觀三昧？初禪二禪中間，是名無覺有觀三昧。」(大正 25, 406c21-22)

(2)《俱舍論》卷 28 (大正 29, 149c9-10)。

<sup>197</sup> (1)《大智度論》卷 48：「云何名無覺無觀三昧？從二禪乃至非有想非無想定，是名無覺無觀三昧。」(大正 25, 406c22-24)

(2)另參見《大智度論》卷 17 (大正 25, 186b2-23)，《俱舍論》卷 28 (大正 29, 149c10-12)。

答曰：是覺觀憍<sup>199</sup>亂三昧，以是故說，是二事雖善，而是三昧賊，難可捨離。

有人言：心有覺觀者無三昧，以是故，佛說有覺有觀三昧，但不牢固；覺觀力小微，是時可得有三昧。是覺觀能生三昧，亦能壞三昧；譬如風能生雨，亦能壞雨。(234b)三種善覺觀，能生初禪；得初禪時發大歡喜，覺觀故心散還失，以是故但說「覺」、「觀」。<sup>200</sup>

### (二)「覺」、「觀」之差別

問曰：覺、觀有何差別？

答曰：麤心相名「覺」，細心相名「觀」。

初緣中心發相名「覺」，後分別籌量好醜名「觀」。

有三種麤覺：欲覺，瞋覺，惱覺。<sup>201</sup>

有三種善覺：出要覺，無瞋覺，無惱覺。<sup>202</sup>

有三種細覺：親里覺，國土覺，不死覺。<sup>203</sup>

六種覺<sup>204</sup>妨三昧，三種善覺<sup>205</sup>能開三昧門。<sup>206</sup>

若覺觀過多，還失三昧；如風能使船，風過則壞船。

如是種種分別「覺」、「觀」。

### (三)何故但說三種三昧

問曰：經說三種法：有覺有觀法，無覺有觀法，無覺無觀法；有覺有觀地，無覺有觀

<sup>198</sup> 與「三昧」相應之二十種心所法：

- (1) 十大地法（受、想、思、觸、欲、慧、念、作意、勝解、三昧）與一切心心所相應，「三昧」是十大地法之一，而自性不與自性相應，故「三昧」與餘九種大地法相應。
- (2) 又十大善地法（信、勤、捨、慚、愧、無貪、無瞋、不害、輕安、不放逸）與一切善心相應。九種大地法加上十大善地法，合計十九種心所。
- (3) 又不定法當中的覺、觀，有時與三昧相應——初禪與覺、觀相應；禪中間，與觀相應；二禪以上，不與覺、觀相應。

因此，與三昧相應之心所有可能是十九種或二十種或二十一種。

又如果是味等至可能還和不定法的貪心所相應，所以「三昧相應心所乃至二十」很可能只是概約的說法。

<sup>199</sup> 憍=撓【宋】【元】【明】【宮】。(大正 25, 234d, n.9)

憍(ㄍㄨㄛˋ)：煩擾，擾亂。(《漢語大詞典(四)》，p.407)

<sup>200</sup> 參見(Lamotte, p.1488, n.3)：《中阿含經》卷 50(192 經)《加樓烏陀夷經》(大正 1, 743b2-3)。

<sup>201</sup> 《大智度論》卷 39：「三惡覺，所謂欲覺、瞋覺、惱覺名為麤。」(大正 25, 346a3)

<sup>202</sup> 參見(Lamotte, p.1489, n.3)：《中阿含經》卷 25(102 經)《念經》(大正 1, 589a14-18)。

<sup>203</sup> 《大智度論》卷 39：「親里覺、國土覺、不死覺名為細。」(大正 25, 346a3-4)

參見(Lamotte, p.1489, n.4)：《雜阿含經》卷 16(410 經)(大正 2, 109c4-6)。

<sup>204</sup> 六種覺，即：三種麤覺——欲覺，瞋覺，惱覺；三種細覺——親里覺，國土覺，不死覺。

<sup>205</sup> 三種善覺：出要覺，無瞋覺，無惱覺。

<sup>206</sup> 「善覺——出要、無瞋、無惱

九種覺├粗覺——欲、瞋、惱┐

└細覺——親里、國土、不死┐——障三昧

(導師《大智度論筆記》〔F010〕p.337)

地，無覺無觀地。今何以但說三種三昧？

答曰：妙而可用者取。

**1、三種法**<sup>207</sup>

**(1) 有覺有觀法**

有覺有觀法者，欲界未到地、初禪中覺觀相應法，若善、若不善、若無記。

**(2) 無覺有觀法**

無覺有觀法者，禪中間觀相應法，若善、若無記。

**(3) 無覺無觀法**

無覺無觀法者，離覺觀法，一切色、心不相應行及無為法。

**2、三種地**<sup>208</sup>

**(1) 有覺有觀地**

有覺有觀地者，欲界未到地、梵世。

**(2) 無覺有觀地**

無覺有觀地者，禪中間，善修是地作大梵王。

**(3) 無覺無觀地**

無覺無觀地者，一切光音、一切遍淨、一切廣果、<sup>209</sup>一切無色地。

**3、三昧**

於中上妙者是三昧。何等是三昧？從空等三三昧乃至金剛及阿羅漢、辟支佛諸三昧，觀十方佛三昧乃至首楞嚴三昧，從斷一切疑三昧乃至三昧王等諸佛三昧。

**四、總結**

如是等種種分別，略說三三昧義竟。

**捌、三根**

【經】三根：未知欲知根，知根，知己根。

【論】

**一、阿毘曇之三無漏根**

**(一) 三無漏根：無漏九根和合，配合三道**（導師《大智度論筆記》〔A061〕p.102）

**1、未知欲知根：見諦道**

「未<sup>210</sup>知欲知根」者，無漏九根<sup>211</sup>和合。信行、法行人，於見諦道中，名「未知欲

<sup>207</sup> 參見《眾事分阿毘曇論》卷 5：「云何有覺有觀法？謂若覺觀相應。云何無覺有觀法？謂若法覺不相應觀相應。云何無覺無觀法？謂若法覺觀不相应。」（大正 26，650b4-7）

<sup>208</sup> 參見《眾事分阿毘曇論》卷 5：「云何有覺有觀地？謂欲界至梵世及無漏法。云何無覺有觀地？謂修禪中間已，能得至大梵及無漏法。云何無覺無觀地？謂一切光音、一切遍淨、一切果實、一切無色及無漏法。」（大正 26，650b7-11）

<sup>209</sup> 一切光音，第二禪天；一切遍淨，第三禪天；一切廣果，第四禪天。

<sup>210</sup>（具足不生不滅故）+未【石】。（大正 25，234d，n.12）

<sup>211</sup> 九根：信根、精進根、念根、定根、慧根，樂根、喜根、捨根，意根。

知根」，所謂信等五根，喜、樂、捨根，意根。<sup>212</sup>

**2、知根：思惟道**

信解、見得人，思惟道中，是九根轉（234c）名「知根」。<sup>213</sup>

**3、知已根：無學道**

無學<sup>214</sup>道中，是九根名「知已根」。<sup>215</sup>

**〔二〕何故二十二根中但取三根**

問曰：何以故於二十二根<sup>216</sup>中但取是三根？

答曰：利解了了自在相，是名為「根」。<sup>217</sup>餘十九根，根相不具足，故不取；是三根利，能直入至涅槃，諸有為法中主故，得自在，能勝諸根。<sup>218</sup>

復次，十根<sup>219</sup>但有漏自得，無所利益故；九根<sup>220</sup>不定，或有漏，或無漏，故不說菩薩應具足。<sup>221</sup>

**※ 因論生論：經說十想「應具足」，何故不說二十二根「應具足」**

問曰：十想亦有漏、亦<sup>222</sup>無漏，何以故說「應具足」？

答曰：十想皆是助道求涅槃法。<sup>223</sup>

信等五根雖是善法，不盡求涅槃。如《阿毘曇》中說：「誰成就信等五<sup>224</sup>根？不斷善根者。」<sup>225</sup>

<sup>212</sup> 《大智度論》卷 48：「云何名未知欲知根？諸學人未得果，信根、精進根、念根、定根、慧根，是名未知欲知根。」（大正 25，406c10-12）

另參見《大毘婆沙論》卷 142（大正 27，732c9-16）。

<sup>213</sup> 《大智度論》卷 48：「云何名知根？諸學人得果，信根乃至慧根，是名知根。」（大正 25，406c12-13）  
另參見《大毘婆沙論》卷 143（大正 27，733b8-14）。

<sup>214</sup> 學=覺【宋】【元】【明】【宮】。（大正 25，234d，n.13）

<sup>215</sup> 《大智度論》卷 48：「云何名知者根？諸無學人若阿羅漢、若辟支佛、諸佛，信根乃至慧根，是名知者根。」（大正 25，406c13-15）

另參見《大毘婆沙論》卷 143（大正 27，733c5-9）。

<sup>216</sup> 《大毘婆沙論》卷 71：「二十二根者，謂眼根、耳根、鼻根、舌根、身根、女根、男根、命根、意根、樂根、苦根、喜根、憂根、捨根、信根、精進根、念根、定根、慧根、未知當知根、已知根、具知根。」（大正 27，366a12-16）

另參見《阿毘曇毘婆沙論》卷 37（大正 28，270b21-24），《眾事分阿毘曇論》卷 4（大正 26，646b19-22），《阿毘曇八禪度論》卷 21（大正 26，867a20-23），《發智論》卷 14（大正 26，991b23-26）。

<sup>217</sup> 根義。（導師《大智度論筆記》〔A061〕p.102）

<sup>218</sup> 參見（Lamotte, p.1497, n.2）：《大毘婆沙論》卷 142（大正 27，730c6-10）。

<sup>219</sup> 十根：眼根、耳根、鼻根、舌根、身根，女根、男根，命根，苦根、憂根。

<sup>220</sup> 九根：信根、精進根、念根、定根、慧根，樂根、喜根、捨根，意根。

<sup>221</sup> 二十二根漏無漏義。（導師《大智度論筆記》〔A061〕p.102）

<sup>222</sup> 〔亦〕—【宋】【元】【明】【宮】。（大正 25，234d，n.14）

<sup>223</sup> 十想是求道助涅槃法，通漏無漏。（導師《大智度論筆記》〔F003〕p.329）

<sup>224</sup> 〔五〕—【宋】【元】【明】【宮】。（大正 25，234d，n.15）

<sup>225</sup> 不斷善根者成就信等根（同毘曇義）。（導師《大智度論筆記》〔A041〕p.78）

（1）《發智論》卷 6：「信等五根，不斷善根成就，已斷善根不成就。」（大正 26，947a9-10）

復次，若五根清淨變為無漏，三根中已攝。是三根中必有意根，三受中必有一受。以是故但說三根。

復次，二十二根，有善、有不善、有無記，雜，是故不說「應具足」。

**(三) 法門分別** (導師《大智度論筆記》[ A061 ] p.102)

**1、何眾攝**

是三根，受眾、行眾、識眾攝。

**2、地**

未知欲知根在六地<sup>226</sup>，知根、知己根在九地<sup>227</sup>。

**3、所緣**

三根緣四諦。

**4、想相應**

六想<sup>228</sup>相應。

**5、幾根因**

未知欲知根，三根因；知根，二根因；<sup>229</sup>知己根，但知己根因。

**6、次第生幾根**

未知欲知根次第生二根<sup>230</sup>；知根次第或生有漏根、或生知根、或生知己根；知己根，或生有漏根，或生知己根。

如是等，以阿毘曇門廣分別說。<sup>231</sup>

**二、大乘三無漏根** (導師《大智度論筆記》[ A061 ] p.102)

**(一) 未知欲知根**

復次，「未知欲知根」名諸法實相未知欲知故，生信等五根；是五根力故，能得諸法實相。<sup>232</sup>如人初入胎中得二根：身根，命根；爾時如段肉<sup>233</sup>，未具諸根，<sup>234</sup>不<sup>235</sup>能

(2) 《阿毘曇八犍度論》卷 8 (大正 26, 807a15-16)。

(3) 《大毘婆沙論》卷 146：「異生者，謂斷善根。諸信等根，不斷善者所起，彼根非斷善者所起。」(大正 27, 748a26-28)

<sup>226</sup> 六地：未至定、中間禪，四禪。

<sup>227</sup> 九地：未至定、中間禪，四禪，空無邊處地、識無邊處地、無所有處地。

<sup>228</sup> 六想：無常想、苦想、無我想、斷想、離想、盡想。

<sup>229</sup> 二根：知根、知己根。「知根，二根因」：知根，是作為知根與知己根二根的因。

<sup>230</sup> 二根：有漏根、未知欲知根。

<sup>231</sup> 三無漏根之法門分別，散說於二十二根之法門分別中，參見《品類足論》卷 15 (大正 26, 753c9-756c4)，《大毘婆沙論》卷 144～卷 146 (大正 27, 738a8-747c11)。

<sup>232</sup> 大乘五根，五根力得實相。(導師《大智度論筆記》[ A041 ] p.78)

<sup>233</sup> 《修行道地經》卷 1 (5 五陰成敗品)：「入於胞胎是為色陰，歡喜之時為痛樂陰，念於精時是為想陰，因本罪福緣得入胎是為行陰，神處胞中則應識陰，如是和合名曰五陰。尋在胎時即得二根：意根、身根也。七日住中而不增減，又二七日其胎稍轉譬如薄酪，至三七日似如生酪，又四七日精凝如熟酪，至五七日胎精遂變猶如生酥，又六七日變如息肉，至七七日轉如段肉。」(大正 15, 187a7-14)

<sup>234</sup> 胎中分位：入胎得身命二根，未具諸根。(導師《大智度論筆記》[ D020 ] p.265)

<sup>235</sup> 不=未【宋】【元】【明】【宮】。(大正 25, 234d, n.17)

有所別知；五根成就，能知五塵。菩薩亦如是，初發心欲作佛，未具足是五根，雖有願欲知諸法實相，不能得知。

菩薩生是信等五根，則能知諸法實相。

如眼四大及四大造色和合名爲眼，(235a) 先雖有四大、四大造色，未清淨故，不名眼根；不斷善根人雖有信，未清淨故，不名爲根。<sup>236</sup>

若菩薩得是信等五根，是時能信諸法實<sup>237</sup>相<sup>238</sup>不生不滅、不垢不淨、非有非無，非取非捨，常寂滅、真淨、如虛空，不可示、不可說，一切語言道過、出一切心心數法，所行如涅槃，是則佛法<sup>239</sup>——菩薩以信根力故，能受；精進根力故，勲行、不退不轉；念根力故，不令不善法入，攝諸善法；定根力故，心散五欲中能攝實相中；慧根力故，於佛智慧中少多得義味，不可壞。

五根所依意根，必與受俱<sup>240</sup>，若喜、若樂、若捨。

依是根入菩薩位，乃至未得無生法忍果，是名「未知欲知根」。<sup>241</sup>

### 〔二〕知根

此中知諸法實相了了故名「知根」<sup>242</sup>。從是得無生法忍果，住阿鞞跋致地，得受記，乃至滿十地，坐道場，得金剛三昧——於其中間，名爲「知根」。

### 〔三〕知己根

斷一切煩惱習，得阿耨多羅三藐三菩提，一切可知法智慧遍滿故，名爲「知己根」。(丹云：三根竟。)<sup>243</sup>

<sup>236</sup> 淨色眼：四大及四大造色和合名爲眼，先雖有四大四大造色未清淨，不名眼根。(導師《大智度論筆記》〔A059〕p.100)

<sup>237</sup> 〔實〕—【宋】【元】【明】【宮】。(大正 25, 235d, n.1)

<sup>238</sup> 參見 (Lamotte, p.1501, n.3):《摩訶般若波羅蜜經》卷 2 (大正 8, 231b13-14), 卷 3 (大正 8, 234c12-13), 卷 4 (大正 8, 244a1-2), 卷 6 (大正 8, 257b13-14), 卷 23 (大正 8, 392a19-24), 卷 27 (大正 8, 416c8-11)。

<sup>239</sup> 法相：諸法相不生不滅，不垢不淨，非有非無，非取非捨，常寂滅，真淨如虛空。不可示、不可說，一切語言道過，出一切心心數法，所行如涅槃，是則佛法。(導師《大智度論筆記》〔C003〕p.186)

<sup>240</sup> 《大正藏》原作「具」，今依《高麗藏》改作「俱」(第 14 冊, 615c15)。

<sup>241</sup> 入菩薩位未得無生忍果，名未知欲知根。

得無生忍果，住阿鞞跋致地，得受記，乃至滿十地，坐道場，得金剛三昧，於中名知根。


斷煩惱習，得無上正遍知，名知己根。(導師《大智度論筆記》〔A042〕p.79)

<sup>242</sup> 〔根〕—【宋】【元】【明】【宮】。(大正 25, 235d, n.2)


<sup>243</sup> 〔丹云：三根竟〕—【宋】【元】【明】【宮】，〔丹云〕—【石】。(大正 25, 235d, n.4)



### 一、說一切有部的修行位次



### 二、八忍八智 (見道位十五心及修道位第十六心)



### 三、四諦十六行相

- (一) 苦諦：無常、苦、空、無我。
- (二) 集諦：集、因、生、緣。
- (三) 滅諦：滅、靜、妙、離。
- (四) 道諦：道、如、行、出。